



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU UJEDINJENE HRVATSKE STRANKE PRAVA BIH

Broj: 03-07-6-36/10
Sarajevo, 12.01.2011. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OBIM PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Ujedinjene Hrvatske stranke prava BiH za 2009. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Ujedinjena Hrvatska stranka prava BiH nije ispoštovala odredbe člana 11. stav (1) i (3) Zakona o finansiranju političkih stranaka jer ne vodi evidencije o svojim prihodima i rashodima i izvještaj nije popunila u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom finansijskog izvještaja, osim gornjih napomena nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Ujedinjene Hrvatske stranke prava BiH za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2009. godinu Ujedinjena Hrvatska stranka prava BiH nije iskazala prihode, što se vidi u narednoj tabeli¹:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr. lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	0,00	0,00%

Prema podacima iz godišnjeg finansijskog izvještaja Ujedinjena Hrvatska stranka prava BiH nije iskazala nikakve rashode.

2. PREDSTAVLJANJE POLITIČKE STRANKE

Naziv političke stranke je Ujedinjena Hrvatska stranka prava BiH. Skraćeni naziv stranke je UHSP. Stranka je registrovana 20.05.1999. godine u Kantonalnom sudu u Mostaru pod brojem R:1/99.

Sjedište Ujedinjene Hrvatske stranke prava BiH je u Mostaru, Splitska 29 .

Lice ovlašteno za zastupanje stranke je Miljenko Miloš, predsjednik.

Lice ovlašteno za podnošenje finansijskih izvještaja za 2009. godinu je Miljenko Miloš.

¹ U godišnjem finansijskom izvještaju za 2009. godinu od 03.03.2010. godine stranka nije dostavila obrazac 3 (Ukupni prihodi političke stranke – izvori finansiranja). Centralna izborna komisija BiH je zahtjevom i urgencijom broj 03-07-6-36/10 od 27.09.2010. godine zatražila od Ujedinjene Hrvatske stranke prava BiH da dostavi dopunu godišnjeg finansijskog izvještaja za 2009. godinu. Stranka nije postupila ni po zahtjevu ni po urgenciji te nije dostavila Obrazac 3. (Ukupni prihodi političke stranke – izvori finansiranja), odnosno nije dostavila dopunu godišnjeg finansijskog izvještaja za 2009. godinu..

Prema podacima iz godišnjeg finansijskog izvještaja, Ujedinjena Hrvatska stranka prava BiH nema organizacionih dijelova nižeg nivoa.

3. OBIM PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Ujedinjene Hrvatske stranke prava BiH za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Ujedinjena Hrvatska stranka prava BiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Ujedinjene Hrvatske stranke prava BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja Ujedinjene Hrvatske stranke prava BiH za 2006., 2007. i 2008. godinu. Nakon obavljenog pregleda, odnosno revizije finansijskog izvještaja ove političke stranke, izdat je izvještaj sa mišljenjem revizora i nalazima revizije da stranka treba postupati u skladu sa odredbom člana 6. i člana 11. stav (2), (3) i stav (4) Zakona o finansiranju političkih stranaka, odnosno da prijavljuje priloge, da dostavlja dodatnu finansijsku dokumentaciju i finansijske izvještaje dostavlja na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka i dalje krši odredbe člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

Ujedinjena Hrvatska stranka prava BiH je prekršila odredbe člana 11. stav (1) i (3) Zakona o finansiranju političkih stranaka.²

² U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj u formi koju odobri Centralna izborna komisija, a u skladu s tim donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

1. Stranka ne vodi evidencije o svojim prihodima i rashodima, što je suprotno odredbama člana 11. stav (1) Zakona o finansiranju političkih stranaka.

U obrascu 2 finansijskog izvještaja (Pregled prometa svih transakcijskih računa političke stranke) stranka nije iskazala transakcijski račun broj 3060260000018484 otvoren kod Hipo Alpe-Adria Bank dd. Na zahtjev Centralne izborne komisije BiH stranka je dostavila kopije izvoda banke na osnovu kojih je utvrđeno da je ostvaren promet po ovom računu, odnosno utvrđen je odliv sredstava u iznosu od 460,00 KM u 2009. godini.

Takođe, stranka u navedenom obrascu nije iskazala početno stanje kao ni promet po računu otvorenom kod NLB Tuzlanske banke. Naime, stranka je iskazala saldo računa na dan 31.12.2009. godine, a da pri tome nije iskazala početno stanje računa (stanje na dan 01.01.2009. godine) u iznosu od 15,17 KM, ukupan promet ulaza u iznosu od 1,08 KM i ukupan promet izlaza u iznosu od 5,00 KM. Neprijavlivanjem računa i nepravilnim popunjavanjem obrasca stranka je postupila suprotno odredbama člana 11. Pravilnika.³

Na obrascu 3-c finansijskog izvještaja (Prihodi političke stranke od imovine) stranka nije iskazala Prihod od kamata u iznosu od 1,08 KM koje je ostvarila po osnovu transakcijskog računa otvorenog kod NLB Tuzlanske banke, što je suprotno odredbama člana 16. Pravilnika o godišnjim finansijskim izvještajima političkih stranaka.⁴

Na obrascu 4-1 finansijskog izvještaja (Režijsko-administrativni i ostali troškovi), Ujedinjena Hrvatska stranka prava BiH nije iskazala troškove koje je ostvarila u 2009. godini.

Uvidom u kopije izvoda koje je stranka dostavila na zahtjev Centralne izborne komisije BiH utvrđeno je da je stranka ostvarila troškove u iznosu od 465,00 KM i to: materijalne troškove u iznosu od 450,00 KM i troškove bankarske provizije u iznosu od 15,00 KM, te da iste nije iskazala u finansijskom izvještaju, čime je postupila suprotno odredbama člana 21. Pravilnika o godišnjim finansijskim izvještajima političkih stranaka.⁵

Prema odredbama člana 11. stav (1) Zakona o finansiranju političkih stranaka, političke stranke su obavezne da vode evidencije o svojim prihodima i rashodima.

³ Član 11. Pravilnika o godišnjim finansijskim izvještajima političkih stranaka nalaže da se u Obrazac 2 (Pregled prometa svih transakcijskih računa političke stranke) unose sljedeći podaci: naziv organizacionog dijela, broj računa, naziv banke stanje računa na dan 01 januar, ukupan promet ulaza, ukupan promet izlaza kao i stanje na dan 31. decembar za godinu za koji se izvještaj podnosi.

⁴ Prema odredbama člana 16. Pravilnika o godišnjim finansijskim izvještajima političkih stranaka u obrazac 3-c (Prihodi od imovine političke stranke) unose se sljedeći podaci: naziv organizacionog dijela stranke, vrsta imovine na osnovu koje je ostvaren prihod, korisnik imovine političke stranke, broj ugovora ili odluke, iznos ostvarenog prihoda i iznos sredstava koje je stranka naplatila.

⁵ U skladu sa članom 21. Pravilnika o godišnjim finansijskim izvještajima političkih stranaka u obrazac 4-1 – Režijsko-administrativni i ostali troškovi, unose se svi troškovi osim troškova propagande, i sljedeći podaci: naziv organizacionog dijela političke stranke, vrsta troška, konto i iznos.

2. Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

U setu obrazaca Godišnjeg finansijskog izvještaja za 2009. godinu stranka nije dostavila obrasce 3 (Ukupni prihodi političke stranke – izvori finansiranja) i 3-b (Prilozi pravnih lica veći od 100 KM), čime je prekršila odredbe člana 5. stav (1) Pravilnika.⁶

5.2. PREPORUKE

Preporučuje se Ujedinjenoj Hrvatskoj stranci prava BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da postupa u skladu sa odredbama člana 11. stav (1) i (3) Zakona o finansiranju političkih stranaka odnosno da vodi evidencije o svojim prihodima i rashodima te da finansijske izvještaje podnosi Centralnoj izbornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka.***

KOMENTAR

Ujedinjena Hrvatska stranka prava BiH se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2009. godinu koji joj je dostavljen 10.11.2010. godine.

Mr. Hasida Gušić, Šef Službe za reviziju

Veliborka Kravljača, revizor

⁶ U skladu sa članom 5. stav (1) Pravilnika godišnji finansijski izvještaj političkih stranaka podnosi se na obrascima koji su sastavni dio ovog pravilnika, a to su: Obrazac 1, Obrazac 1-1, Obrazac 2, Obrazac 2-1, Obrazac 3, Obrazac 3-a, Obrazac 3-b, Obrazac 3-c, Obrazac 3-d, Obrazac 3-e, Obrazac 3-f, Obrazac 4, Obrazac 4-1, Obrazac 4-2 i Obrazac 5.